

Decisiuns dalla radunanza communal Surses

La radunanza communal Surses digls 21 da zarcladour 2021 ò

- an connex cun igl rendachint 2020 decida
 - unanimamaintg da metter 2 milliuns francs ainten la prefinanziaziun (capital agen) per igl project «construcziun tgesa da scola primara nova a Savognin»; ed
 - cun 98 vuschs e nigra cuntervusch d'approvar igl rendachint 2020, tgi cumpeglia bilantscha, chint economic, chint d'investiziun, chint dalla circulaziun digls daners ed agiunta. Siva cudischaziun dalla prefinanziaziun menziunada soura per la scola sera igl rendachint cun en surple d'antradas da fr. 945'399.00. Las investiziuns bruttas montan a fr. 3'320'040.00 (investiziuns nettas fr. 2'732'002.00). Igl madem mument è er nia do discargia agls organs responsabels.
- cun 98 vuschs cunter 1 vusch da conceder alla Fundaziun Piz Mitgel Val Surses ena contribuziun da promoziun unica à fonds perdu da max. fr. 250'000.00 per sanar igl hotel Piz Mitgel a Savognin.
- piglia cunaschientscha digls rendachints davart divers projects d'investiziun digl cumegn tgi èn nias terminos igl 2020.
- piglia cunaschientscha davart en project da construcziun agls Mulegns, tgi è nia sviluppo dalla Scola politecnica federala a Turitg an collaboraziun cun la Nova Fundaziun Origen. La tor planisada niss stampada digl tottafatg da moda digitala e fiss cotras unica segl antier mond.
- piglia cunaschientscha da diversas infurmaziuns digl cumegn.

Igl protocol dalla radunanza communal digls 21 da zarcladour ò da neir publitgia igl pi tard en meis siva la radunanza cun en termin d'exposiziun da 30 deis. Igl termin d'exposiziun exact vigna communitgia a taimp util aint igl figl uffizial digl cumegn.

Tinizong, igls 22 da zarcladour 2021

Suprastanza communal Surses